



REPUBLIKA E SHQIPËRISË

Nr. 2393 Prot.

Fushë-Arrëz, më 08/08/2025

BASHKIA FUSHE-ARREZ

Drejtoria e Çeshtjeve Sociale

Sektori i Arsimit dhe Rinise

PROJEKT VENDIM

Nr. 24 Datë 08/08/2025

**PËR MIRATIMIN E PLANIT TË ARSIMIT PARAUNIVERSITAR 2025-2028 NË
BASHKINË FUSHE-ARREZ**

Në mbështetje të Ligjit nr.139/2015 "Për vetëqeverisjen vendore", i ndryshuar, ligjit nr. 69/2018 "Për Sistemin e Arsimit Parauniversitar në Republikën e Shqipërisë", Ligji Nr. 9936/2008, "Për Menaxhimin e Sistemit Buxhetor në Republikën e Shqipërisë" i ndryshuar, Ligji Nr. 68/2017 "Për Financat e Vetëqeverisjes Vendore", Ligji Nr. 9632/2006, "Për sistemin e taksave vendore", i ndryshuar dhe sipas relacionit të hartuar nga Sektori i Arsim, Kulturë, Rini, Sporte, dhe Kryetari i Bashkisë i propozon Këshillit Bashkiak të shqyrtojë konform akteve ligjore dhe,

TË VENDOSË :

1. Miratimin e Planit të Arsimit Parauniversitar 2025-2028 në Bashkinë Fushe-arrez, bashkëlidhur.
2. Ngarkohet Zyra e Arsim, Kulturë, Rinisë, Sporte , për zbatimin e këtij vendimi.

Ky vendim hyn në fuqi sipas përcaktimeve të pikës 6 të nenit 55 të ligjit nr.139/2015, "Për vetëqeverisjen vendore" i ndryshuar dhe pas konfirmimit ligjor nga Institucioni i Prefektit të Qarkut SHKODER.

Juriste
Redona Hasani

Specialisti i Arsimit
Altin Engjelli

KRYETARI I BASHKISË

HIL CURRI





REPUBLIKA E SHQIPËRISË

BASHKIA FUSHE-ARREZ
SEKTORI ARSIM, KULTURËS, RINISË, SPORTEVE

Nr 238 / Prot.

Fushë-Arrëz, më 08/08 /2025

RELACION

PËR MIRATIMIN E “PLANIT TË ARSIMIT PARAUNIVERSITAR 2025-2028”
NË BASHKINË FUSHE-ARREZ

Të nderuar Këshilltarë,

Plani i Arsimit Parauniversitar 2025–2028 për Bashkinë Fushe-Arrez është një dokument strategjik i domosdoshëm që synon të orientojë zhvillimin dhe përmirësimin e shërbimeve arsimore në territorin e Bashkisë për tre vitet e ardhshme. Hartimi i tij është rezultat i një analize të thelluar të situatës aktuale, tendencave demografike, nevojave komunitare dhe sfidave ekzistuese në arsimin parashkollor, bazë dhe të mesëm. Ky dokument është një instrument thelbësor planifikimi për strukturat vendimmarrëse dhe administrative për të garantuar një arsimim cilësor dhe gjithëpërfshirës për të gjithë fëmijët dhe të rinjtë në Bashkinë Fushe - Arrez.

Kuadri Ligjor dhe Institucional

Plani mbështetet në një kuadër të gjerë ligjor kombëtar, përfshirë Kushtetutën e Republikës së Shqipërisë, Ligjin nr. 69/2012 “Për sistemin arsimor parauniversitar” i ndryshuar, Ligjin nr. 139/2015 “Për vetëqeverisjen vendore”, si dhe ligjet dhe udhëzimet përkatëse për menaxhimin financiar, mbrojtjen e fëmijëve dhe gjithëpërfshirjen në arsim. Në bazë të këtyre akteve, Bashkia Fushe-Arrez ka detyrimin dhe përgjegjësinë për të hartuar politika zhvillimore në fushën e arsimit dhe për të siguruar infrastrukturë, staf të kualifikuar dhe shërbime të barabarta për të gjithë. Gjithashtu, për referencë janë marrë në konsideratë dhe në shqyrtim edhe baza ligjore si më poshtë:

- Ligji Nr. 9936/ 2008, “Për Menaxhimin e Sistemit Buxhetor në Republikën e Shqipërisë”
- Ligji Nr. 68/ 2017 “Për Financat e Vetëqeverisjes Vendore”
- Ligji Nr. 9632/ 2006, “Për sistemin e taksave vendore”, i ndryshuar

Arsimi Parashkollor dhe i detyrueshëm (Bazë)

- Urdhër nr. 31, datë 28.01.2020, “Për miratimin e Rregullores për Funksionimin e Institucioneve Arsimore Parauniversitare”
- Udhëzim Nr. 14, datë 10.7.2023, “Për numrin e nxënësve për klasë dhe ngarkesën mësimore në arsimin parauniversitar”
- Udhëzim i përbashkët MAS–MEKI nr. 13, datë 10.07.2024, “Për vitin shkollor 2024–2025 në sistemin arsimor parauniversitar”
- Udhëzim Nr. 25, datë 25.07.2018, “Për ngritjen dhe funksionimin e bordit të institucionit arsimor”
- Urdhër nr. 199, datë 07.05.2024, “Për miratimin e Kornizës së Vlerësimit të Cilësisë së kopshtit”

Përfshirja dhe mbrojtja e fëmijëve

- **Ligji Nr. 121/2016**, “Për shërbimet e kujdesit shoqëror në Republikën e Shqipërisë”
- **Ligji Nr. 18/2017**, “Për të drejtat dhe mbrojtjen e fëmijës”
- **Plani Kombëtar i Veprimit për Barazi, Përfshirje dhe Pjesëmarrjen e Romëve dhe Egjiptianëve, 2021–2025**
- **Udhëzim Nr. 21, datë 08.08.2014**, “Për rritjen e frekuentimit të arsimit parashkollor nga fëmijët romë”
- **Udhëzim i përbashkët MAS–MSHMS nr. 658, datë 23.09.2019**, “Për mbrojtjen e fëmijëve nga përmbajtjet e dëmshme në internet”

Shërbimi psiko-social dhe përfshirja sociale

- **Urdhër nr. 313, datë 20.10.2020**, “Për organizimin dhe funksionimin e shërbimit psiko-social në institucionet e arsimit parauniversitar”
- **Udhëzuesi për Praktikën e Punës së Shërbimit Psiko-Social Shkollor**, për punonjësit e ZVA-ve dhe strukturat arsimore vendore

Analiza e Situatës Aktuale

Plani ofron një analizë të detajuar për të gjithë Bashkinë Fushë-Arrëz në lidhje me arsimin parauniversitar. Në total, në këtë bashki funksionojnë 9 kopshte publike, 3 shkolla 9-vjeçare publike, 1 shkollë e mesme publike. Gjithsej në vitin 2025 bashkia menaxhon 111 punonjës që i takojnë sistemit parauniversitar të arsimit, nga këto 107 edukativ dhe 4 punonjës ndihmës. Në raport me fëmijët e lindur 3-6 vjeç në Bashkinë Fushe - Arrez fëmijët që frekuentojnë arsimin parashkollor janë rreth 75% e fëmijëve të kësaj moshe, dhe fëmijë që ende mbeten jashtë sistemit janë rreth 25%. Këto të dhëna theksojnë rëndësinë e ndërhyrjeve të fokusuara në zgjerimin e aksesit, rritjen e ndërgjegjësimit komunitar dhe përmirësimin e infrastrukturës së arsimit parashkollor, me qëllim garantimin e të drejtës për arsim të barabartë dhe gjithëpërfshirës për të gjithë fëmijët e moshës 3–6 vjeç në territorin e Bashkisë Fushe - Arrez. Bashkia menaxhon 24 godina arsimore nga të cilat 16 prej tyre kanë nevojë për rikonstruktion ose zgjerim për shkak të infrastrukturës së amortizuar. Gjithashtu vlen të theksohet se përmirësimi i vazhdueshëm i infrastrukturës arsimore ka luajtur rol dhe në shtimin e shkollave qendra komunitare që tani në Bashkinë Fushe - Arrez janë 3 shkolla nga të cilat 2 9 - vjeçare dhe 1 shkollë e mesme

Vizioni dhe Objektivat Strategjike

Vizioni i planit është të garantojmë një sistem arsimor të barabartë, gjithëpërfshirës dhe cilësor për çdo fëmijë dhe të ri në territorin e Bashkisë Fushë-Arrëz,

Objektivat strategjike përfshijnë:

- Rritja e aksesit në arsimin parauniversitar për të gjithë fëmijët e Bashkisë Fushe-arrez, me fokus në zonat më të pafavorizuara dhe grupet vulnerabël.
- Përmirësimi i cilësisë së mësimdhënies dhe përdorimi i metodave bashkëkohore në procesin e mësimdhënies
- Forcimi i kapaciteteve të mësuesve dhe drejtuesve të shkollave për të siguruar një menaxhim efikas dhe inovativ.
- Mbështetjen për fëmijët me aftësi ndryshe dhe nga grupe të marginalizuara,
- Forcimin e rolit të shkollës si qendër komunitare.

Plani Vendor për Arsimin Parauniversitar në Bashkinë Fushe-Arrez është ndërtuar në përputhje të plotë me prioritetet e Strategjisë Kombëtare për Arsimin 2021–2026, duke siguruar që objektivat dhe masat e ndërmarra në nivel lokal të kontribuojnë në zhvillimin e qëndrueshëm dhe të integruar të arsimit në nivel kombëtar. Plani do të ketë një rol shumë të rëndësishëm për Bashkinë Fushe-arrez dhe ai synon të përmirësojë në mënyrë të ndjeshme të gjitha proceset që lidhen me Arsimin Parauniversitar.

Konkretisht nëpërmjet planit synohet të realizohet :

- Zgjerimi i rrjetit të kopshteve për të përfshirë më shumë fëmijë në arsimin parashkollor.
- Masa për parandalimin e braktisjes shkollore në zonat periferike dhe komunitetet vulnerabël.
- Trajnime të vazhdueshme për mësuesit në metodologji bashkëkohore dhe përdorim të teknologjisë.
- Pajisja e shkollave me laboratorë, mjete didaktike moderne dhe lidhje të qëndrueshme me internet.
- Parashikimi i fondeve në buxhetin vendor për programe trajnuese dhe certifikime të stafit mësimor e ndihmës.
- Krijimi i rrjeteve të bashkëpunimit midis institucioneve arsimore për shkëmbimin e përvojave dhe praktikave të mira.

Kjo përputhje i jep Planit Vendor një qasje të integruar dhe garanton që çdo ndërhyrje në territorin e Bashkisë Fushe-Arrez është pjesë e një vizioni më të gjerë kombëtar për një sistem arsimor më të fortë, më gjithëpërfshirës dhe më cilësor.

Buxheti dhe Burimet Financiare

Financimi i planit do të sigurohet përmes transfertave nga buxheti i shtetit dhe projekteve të bashkëpunimit .jane përcaktuar nevojat buxhetore per secilën mase ndërhyrje,si dhe eshte hartuar nje plan afatmesëm buxhetore per te mbështetur realizimin objektivave.

Transferimet specifike mbulojnë zërat e mëposhtëm.

Arsimin parashkollor përfshirë pagat e stafit arsimor dhe ndihmës, kostot e mirëmbajtjes dhe funksionimit infrastrukturës së kopshteve.


Arsimin 9-vjecar, Arsimin e mesëm përfshirë pagat për personelin ndihmës, mirëmbajtjen dhe funksionimin e infrastrukturës së shkollave.

Investimet Kapitale të Planifikuara

Plani i investimeve kapitale i Bashkisë Fushe - Arrez për Arsimin Parauniversitar për periudhën 2026–2028 është ndërtuar mbi objektivin e përmirësimit të infrastrukturës ekzistuese, ndërtimit të godinave të reja, pajisjes së institucioneve arsimore me orendi dhe logjistikë moderne, si dhe garantimit të kushteve të sigurta për fëmijët dhe të rinjtë në procesin edukativ. Të gjitha projektet e planifikuara do të financohen nga buxheti vendor i bashkisë. Këto ndërhyrje përfaqësojnë një angazhim të qartë për modernizimin e infrastrukturës arsimore, rritjen e aksesit dhe përmirësimin e kushteve të të nxënësve, si për Sistemin parauniversitar. Zyra e Arsimit, Kultures, Rinise dhe Sporteve në bashkinë Fushe - Arrez nëpërmjet këtij relacioni kërkon miratimin nga Komisioni i Arsimit dhe dërgimin për miratim në mbledhjen e radhës të Keshillit Bashkiak Fushe-Arrez.


Juriste

Redona Hasani



Specialisti i Arsimit

Altin Engjelli



KRYETARI I BASHKISE

Hil Curri

